



Broj: 01-01-50-757-1-I/06
Sarajevo, 22 novembra 2006.godine

Na osnovu člana 25. stav (1) tačka f) Zakona o konkurenciji («Službeni glasnik BiH», broj 48/05), te u vezi s članom 3. stav (4) Zakona o javnim nabavkama Bosne i Hercegovine («Službeni glasnik BiH», br. 49/04, 19/05, 52/05, 8/06 i 24/06) na osnovu izvještaja Agencije za javne nabavke Bosne i Hercegovine, zaprimljen dana 27. septembra 2006. godine broj: 01-01-50-757-I/06, a na zahtjev ekonomskog subjekta BIH Telecom d.o.o-Sarajevo, Konkurencijsko vijeće, na 36. (tridesetšestoj) sjednici održanoj dana 22. novembra 2006. godine, je donijelo

MIŠLJENJE

Relevantno tržište telekomunikacionih usluga ne ispunjava uslove tržišne konkurencije u Bosni i Hercegovini.

O b r a z l o ž e n j e

Konkurencijskom vijeću je dostavljen zahtjev od strane Agencije za javne nabavke Bosne i Hercegovine, zaprimljen dana 27. septembra 2006. godine-broj: 01-01-50-757-I/06 (dodatni zahtjevi dostavljeni dana 26. oktobra 2006. godine-broj: 01-01-50-936-I/06; dana 03. novembra 2006. godine-broj: 01-01-50-932-1-I/06) kojim se traži ocijena ispunjavanja uslova konkurencije na relevantnom tržištu telekomunikacijskih usluga u Bosni i Hercegovini, u skladu sa članom 3. stav (4) Zakona o javnim nabavkama Bosne i Hercegovine («Službeni glasnik BiH», br. 49/04, 19/05, 52/05, 8/06 i 24/06) (u daljnjem tekstu: Zakon).

U predmetnom zahtjevu je navedeno da ekonomski subjekt BIH Telecom d.o.o. Sarajevo se obratio Agenciji za javne nabavke Bosne i Hercegovine sa zahtjevom za izuzimanje tržišta telekomunikacijskih usluga od primjene predmetnoga Zakona, odnosno za pokretanje procedure izmjene i dopune istoga, u smislu člana 3. stav (4) predmetnoga Zakona.

Uz predmetni zahtjev ekonomski subjekt BIH Telecom d.o.o. Sarajevo je dostavio i odgovarajuću dokumentaciju, kao i potvrdu o konkurentnosti tržišta telekomunikacijskih usluga u Bosni i Hercegovini, izdatu od Regulatorne agencija za komunikacije Bosne i Hercegovine. Konkurencijsko vijeće ovu potvrdu smatra nepotrebnom (i nepotpunom u smislu člana 3. stav (4) Zakona) budući da je na onovu čl. 1., 20. i 21. Zakona o konkurenciji nadležno za određivanje pravila, mjera i postupaka tržišne konkurencije, provođenje zaštite tržišne konkurencije i ima isključivu nadležnost u odlučivanju o postojanju konkurentnog djelovanja na tržištu u Bosne i Hercegovine. Slijedom navedenoga Konkurencijsko vijeće je nadležno za utvrđivanje postojanja konkurentnog djelovanja na relevantnom tržištu telekomunikacijskih usluga Bosne i Hercegovine.

Konkurencijsko vijeće nakon provedene analize, uzimajući u obzir i podatke iz dostavljene dokumentacije, je utvrdilo postojanje općeg pravnog okvira u sektoru telekomunikacija, kao i primjenu pravila i prakse tržišne konkurencije u pružanju pojedinih telekomunikacijskih usluga.

Također, analizom rezultata djelovanja ekonomskih subjekta na relevantnom tržištu telekomunikacijskih usluga, uzimajući u obzir karakteristike pojedinih telekomunikacijskih usluga, postojanja mogućnosti uvođenja zamijenskih (alternativnih) usluga, visine i načina formiranja cijena pojedinih usluga, stvarnog i potencijalnog prisustva konkurencije /operatora, kao i administrativnih, ekonomskih i pravnih ograničenja za ulazak novih konkurenata operatora je utvrdilo da relevantnom tržištu telekomunikacijskih usluga nije konkurentno.

Slijedom navedenoga Konkurencijsko vijeće relevantno tržište telekomunikacijskih usluga u Bosni i Hercegovini tretirati kao jedno tržište, a ne prema pojednimim njegovim segmentima, i radi toga smatra da isto ne ispunjava kriterije tržišne konkurencije (bez obzira što u pojedinim pod-segmentima telekomunikacijskih usluga provodi pravila tržišne konkurencije) i daje mišljenje kao što je navedeno u dispozitivu, u smislu člana 3. stav (4) Zakona o javnim nabavkama.

Predsjednik

Gordan Raspudić